






{ 次 目 七 騰 }

○明覺禪師語錄
○圓悟佛果禪師語錄

六卷
二十卷



明覺禪師語錄卷第一

明綺

住蘇州洞庭翠峯禪寺語

參學小師惟蓋竺編

師在萬壽開堂日白槌了。師云。宗乘一唱三藏絕詮。祖令當行十方坐斷。其有達士不避死生。賤上眉毛出衆相見。問人天普集。佇聽雷音。學人上來乞師垂示。師云。十萬八千不是遠。進云。怎麼則大衆嚮恩也。師云。後五日看。問師唱誰家曲。宗風嗣阿誰。師云。分明記取。進云。怎麼則昔日智門今朝和尚。師云。有甚麼交涉。問如何是和尙爲人一句。師云。量才補職。學云。謝師方便。師云。自領出去。師乃云。一問一答。總未有事在。直饒乾坤大地。草木叢林。盡爲衲僧。異口同聲。各置百千問難。也不消長老彈指一下。並乃高低普應。前後無差。曠祖佛之妙靈。廓天人之幽迹。如是則何假覺城東際。五衆咸居古佛廟前。此時參畢。

師在杭州靈隱受疏了。衆請陞座。時有僧問。寶座先登於此日。請師一句震雷音。師云。徒勞側耳。進云。怎麼則一音普徧於沙界。大衆無不盡咸聞。師云。忽有人問。爾作麼生舉。僧云。三十年後敢爲流芳。師云。賺了也。師乃云。天下絕勝之壘場。靈隱導師之廣座。暫借卑僧陞陟。實愧非材。豈敢於五百員衲子前提唱。佛祖抑揚古今銜耀見知。恥他先作假饒說。得天雨四華地分六震。於曹溪路上一點使用不著。何以行脚高士有把定世界。函蓋乾坤底眼。誰敢錯悞絲毫。其知有者必共相悉。

師在靈隱諸院尊宿茶筵日。衆請陞座。僧問。禪侶盡臨於座側。未審師還說也無。師云。寰中天子塞外將軍。進云。怎麼則一震雷音滿大唐也。師云。看取令行。師乃云。上士相見一言半句。如擊石出火。瞥爾便過。應非即旨。定旨滯句迷源。從上宗乘合作麼生議論。直得三世諸佛不能自宣。六代祖師全提不起。一大藏教詮注不及。所以棒頭取證。喝下承當。意句交馳並同流浪。其有知方作者相共證明。

師到蘇州日。僧俗迎在萬壽。衆請上堂。問向上一路千聖不傳。和尚從何而得。師云。將謂是衲僧。學云。怎麼則大衆嚮恩。學人禮謝也。師云。龍頭蛇尾。問選佛場開。還許學人選也無。師云。切忌點額。學云。怎麼則心空及第歸也。師云。塔下漢。師乃云。如天普蓋。似地普擎。有如是自在。具如是饒德。誰不承恩。誰不景慕。過去諸聖於無量劫勤苦受盡。所得祕要法門。今將普示大衆。不用纖毫心力。各請一時驗取。於此薦得。便能永出四流。高步三界。其或不知。則是諸人誣却。

師初到院陞座。僧問。杖錫已居於此日。請師一句定乾坤。師云。百雜碎。進云。恁麼則海晏河清去也。師云。非公境界。問。如何是佛法大意。師云。龍吟霧起。虎嘯風生。問。如何是祖師西來意。師云。山高海闊。進云。學人不曾。師云。緊悄草鞋。師乃云。未來翠峯多人疑著。及乎親到一境。蕭然非同善財入樓閣之門。暫時歛念。莫比維摩掌中世界。別有清規。冀諸人飽足觀光。以資欣慰。

上堂。問答罷。師乃云。釋迦已滅。彌勒未生。正當今日。佛法委在翠峯。放開捏聚。總由者裏。放開也。七經八橫。是處填溝塞壑。捏聚也。天下老和尚。盡在拄杖頭。不消一剎。

上堂。僧問。如何是實學底事。師云。針筍不入。進云。乞師方便。師云。水到渠成。問。如何是教外別傳一句。師云。看看臘月盡。學云。恁麼則流芳去也。師云。瘋子喫苦瓜。問。言迹之興。異途之所由。生不犯鋒鋒。請師道。師云。誰家無白月清風。進云。還當也無。師云。土上加泥。漢師乃云。劍輪飛處。日月沈輝。寶杖敲時。乾坤失色。衆魔從茲膽裂。千聖由是眼開。其如二聽不圓。震迅雷而莫覺。孤根將敗。霑春雨以非滋。致使凡聖岐分。悟迷派列。奔馳七趣。汨沒四流。重業相纏。無有休日。爾諸禪德。覲善參詳。如人上山。各自努力。

上堂。僧問。昭昭於心目之間。而相不可覩。晃晃在色塵之內。而理不可分。既於心目之間。爲甚麼不覩其相。師云。華須連夜發。莫待曉風吹。進云。恁麼則雲散家家月。師云。毗婆尸佛早留心。僧方禮拜。師以拄杖打一下云。不得放過。問。猿抱子歸青嶂後。鳥啼華落碧巖前。古人意旨如何。師云。夾山猶在。學云。和尚如何。師云。依稀似曲。纔堪聽。又被風吹別調。中僧却問。如何是翠峯境。師云。春至桃華亦滿溪。僧禮拜。師云。山僧今日敗闕。有人點檢得出。許他頂門上一隻眼。便下座。

上堂。僧問。古人借問。田中事。揮鋤叉手意如何。師云。人從陳州來。不得許州信。問。古人道。有讀書人到來。意旨如何。師云。且在門外立。學云。請師相見。師云。任是顏回亦不通。師乃云。立賓立主。剗肉作齋。舉古舉今。拋沙撒土。天下無事。正是無孔鐵鎚。別有機關。合入無間地獄。明眼衲子。應須自看。

上堂。僧問。古人一喝不作一喝用。是否。師云。是。僧便喝。師便棒。僧無語。師云。誰我。問。古人道。有佛法處。不得住。無佛法處。急急走過。意旨如何。師云。氣急殺人。僧擬議。師云。甚麼處去也。問。只在目前。爲甚麼再三不覩。師云。截耳臥街。僧云。恰是。師云。令我攢眉。問。黑豆未生。牙時如何。師云。餒餓。餓馬進云。生後如何。師云。透水透沙。僧禮拜。師云。一似不齋來。問。巧巧諸技藝。盡現行此事。如何是此事。師云。諸方勝樣。進云。莫便是學人會處也無。師云。有頭無尾漢。師乃云。過去諸如來。斯門已成。就放過一著。現在諸菩薩。今各入圓明。兩重公

案未來修學人總被翠峯穿却鼻孔

上堂云。智者聊開猛提取。莫待須臾失却頭。問。丹霄獨步時如何。師云。脚下踏索。進云。天下橫行去也。師云。徐六撥板。問。學人乍入叢林。諸事不會。未審師還拯濟也無。師云。蘇州紙貴。進云。和尚豈無方便。師云。腦後拔棉。即云。爐鞴之所。固無鈍鐵。良醫之門。誰是病夫。向後鼻孔。遮天。莫辜負人好。

上堂云。欲得不招無問業。莫謗如來正法輪。便下座。

上堂。纔有僧出禮拜。師云。大眾。一時記取者。僧話頭。便下座。

上堂。大眾雲集。以拄杖拋下云。棒頭有眼。明如日。要識真金火裏看。

上堂云。從天降下。從地湧出。南北東西一棚俊。顧。舒停機。苦屈苦屈。

上堂云。古人道。譬如擲劍揮空。莫論及之不及。斯乃空輪絕跡。劍刃非虧。好諸禪德。若能如是。心心無知。即是踞妙峯孤頂。非但善財。

七日不逢。設使文殊百劫親來也。摸擦不著。上堂。有僧出禮拜了。方伸問。師云。啼得血流無用處。便下座。

上堂云。藏峯劍客。便請施呈。有僧方出來。師云。什麼處去也。便下座。

上堂云。語漸也。返常合道。且任諸人點頭。論顧也。不留朕跡。僧又奚爲開口。師以拄杖一劃云。上無衝天之計。下無入地之謀。蔡州。

千箇萬箇。打破只在須臾。

上堂。問。答罷。乃云。映眼時若千日。萬像不能逃影質。凡夫只是未曾觀。何得自輕而退屈。師拈起拄杖云。把定世界不漏絲髮。還觀得也無。所以雲門大師道。直得乾坤大地。無纖毫過患。分只是轉句。不見一色。猶爲半提。直得如此。更須知有全提時節。諸上座。翠峯若也全提。盡大地人。並須結舌。放一線道。轉見不堪。以拄杖一時趁下。

上堂。僧問。如何是翠峯境。師云。有眼底見。學云。如何是境中人。師云。貪觀白浪。失却手橈。問。如何是和尙家風。師云。客來須看。進云。恁麼則學人得見也。師云。三十年後。問如何是第一義。師云。道士倒騎牛。學云。乞師再垂方便。師云。無孔鐵樁。問道遠乎哉。師云。青山水。

亂流。學云。怎麼則得聞於未聞去也。師云。千里萬里。師乃云。大眾。前共相酬唱也。須是箇漢始得。若未有奔流度。月底眼。不勞拈出。所以道。如大火聚。近著則燎却面門。亦如按太阿寶劍。衝前則喪身失命。師乃頌云。太阿橫按祖堂寒。千里應須息萬端。莫待冷光輕閃。

燥復云看看便下座

拈古

舉米胡問僧近離甚處僧云藥山米云藥山近日如何僧云大似頑石一般米云得怎麼鄭重僧云也無提撥處米云非但藥山米胡亦怎麼僧近前顧視而立米云看看頑石動也其僧便出師拈云米胡也縱奪可觀爭奈死而不中

舉巖賓國王仗劍詣師子尊者所乃問師得蘊空否尊者云已得王曰可施我頭尊者曰身非我有豈況於頭王遂斬之白乳高丈餘王臂自落師拈云作家君王天然有在

舉鏡清於僧堂前自擊鍾子云玄沙道底玄沙道底時有僧出來云玄沙道什麼鏡清作一圓相僧云若不久參事知怎麼清云還我草鞋錢來師拈云泊被打破蔡州

舉寶公云終日拈香擇火不知身是道場玄沙云終日拈香擇火不知真箇道場師拈云一對無孔鐵槌
舉五通仙人問佛云佛有六通我有五通如何是那一通佛召五通仙人仙人應諾佛云那一通爾問我師云老胡元不知有那一通却因邪打正

舉思和尚令石頭送書去讓和尚處云迴日與子箇錯斧子住山去石頭纔到讓和尚處便問不慕諸聖不重己靈時如何讓云子問太高生何不向下問將來石頭云乍可永劫沈淪不求諸聖解脫便歸思和尚問書達否石頭云書亦不達信亦不通去日蒙和尚許錯斧子便請思垂下一足石頭便禮拜師拈云石頭泊擔板過却又云大小讓師不解城令

舉長髭到石頭處頭問什麼處來髭云嶺南來石頭云大庾嶺頭一鋪功德還成就也未髭云成就久矣只欠點眼石頭云莫要點眼麼髭云便請石頭垂下一足髭便禮拜石頭云見什麼道理便禮拜髭云如紅爐上一點雪石頭便休師拈云無眼功德有什麼點處
德山和尚到龍潭問久響龍潭及乎到來潭又不見龍又不現龍潭云子親到龍潭德山便休去師拈云將錯就錯又云大小德山師一日因事舉往日有老宿一夏不爲師僧說話有僧自歎云我只怎麼空過一夏不望和尚說佛法得聞正因兩字也得老宿聊聞云聞黎莫響速若論正因一字也無怎麼道了扣齒云適來無端怎麼道隣壁有老宿聞云好一釜羹被兩顆鼠糞污却師拈云誰家鍋釜無一兩顆

觀和尚見新到來。觀作麵引次示之。其僧便去。觀晚間問第一座。今日新到在什麼處。第一座云。當時去也。觀云。是即是。只得一概。師拈云。老觀大似失錢遭罪。

舉。外道問佛。不問有言。不問無言。世尊據坐。外道禮拜云。世尊大慈大悲。開我迷雲。令我得入。外道去後。阿難問佛。外道有何所證。而言得入。佛云。如世良馬。見鞭影而行。師拈云。邪正不分。過猶鞭影。

傳大士云。夜夜抱佛眠。朝朝還共起。起坐鎮相隨。如身影相似。要講佛去處。只者語聲是。玄沙云。大小傳大士。只認得箇昭昭靈靈。師拈云。玄沙也是打草蛇驚。

寶公令人傳語。思大和尚。何不下山教化衆生。目視雲漢。作什麼。思大云。三世諸佛被我一口吞盡。何處更有衆生可度。師拈云。有什麼屎鼻氣。

趙州云。至道無難。唯嫌揀擇。纔有語言。是揀擇。是明白。老僧不在明白裏。是爾作麼生護惜。時有僧問云。既不在明白裏。護惜箇什麼。州云。我亦不知。僧云。和尚既不知。爲什麼道不在明白裏。州云。問事即得。師拈云。趙州到退三千。

南泉示衆云。三十年來。牧一頭水牯牛。欲擬東邊放。不免侵他國王水草。欲擬西邊放。不免侵他國王水草。不如隨分納些子。免被官主勞撓。長慶云。爾道南泉前頭爲人。後頭爲人。雲門云。且道牛內納牛。外納。直饒道得納處分明。我更問爾。牛在甚處。師拈云。一却。

鄧隱峯在襄州破威儀堂。只著襯衣。於砧槌邊舉槌云。道得即不打。于時大衆默然。隱峯便打一下。師拈云。果然果然。僧問玄沙。大耳三藏第三度爲什麼不見國師。玄沙云。爾道前來兩度還見麼。師拈云。敗也敗也。

室中舉古

舉。睦州問僧。近離甚處。僧云。河北。睦州云。河北有箇趙州和尚。曾到麼。僧云。某甲近離彼中。睦州云。趙州有何言教示徒。僧云。每見新到。便問。曾到此間來麼。云。曾到。趙州云。喫茶去。忽云。不曾到。趙州亦云。喫茶去。睦州云。慚愧。却問僧。趙州意作麼生。僧云。只是一期方便。睦云。苦哉趙州。被爾將一杓尿潑了也。便打。睦州却問沙彌。爾作麼生。沙彌便禮拜。睦州亦打。其僧往沙彌處問。適來和尚打爾作什麼。沙彌云。若不是我。和尚不打某甲。師云。者僧克由。巨耐。將一杓尿潑他。二員古佛。諸上座。若能辯得。非唯趙睦二州雪屈。亦乃翠。

峯與天下老宿無過。若道不得。到處潑人卒未了。在

舉。僧問長慶。如何是正法眼。慶云。有願不撒沙。保福云。不可更撒也。師云。夫宗師決定以本分相見。不敢撒沙。且那箇是諸人正眼。不受人瞞。底漢出來。對衆道看。共相知委。若道不得。翠峯一一與爾點過。開眼也。著合眼也。著

舉。黃檗有六人新到。五人作禮。其中一人提起坐具。作一圓相。樂云。我聞有一獵犬甚惡。僧云。尋。獐羊聲來。樂云。獐羊無聲。到汝尋。僧云。尋。獐羊跡來。樂云。獐羊無跡。到汝尋。僧云。尋。獐羊蹤來。樂云。獐羊無蹤。到汝尋。僧云。恁麼則死。獐羊也。黃檗便休。到來日上堂云。獵犬在甚處。僧便出來。樂云。昨日公案未了。老僧休去。偈作麼生。僧無語。樂云。將謂是本分弟子。元來是義學沙門。以拄杖打出。師云。只如聲響蹤跡。既無。獵犬向甚處尋逐。莫是絕聲響蹤跡。見黃檗麼。諸禪德。要明陷虎之機。也須是本分弟子。

舉。外道問佛。不問有言。不問無言。世尊良久。外道云。世尊大慈大悲。開我迷雲。令我得入。師云。諸禪德。迷雲既開。決定見佛。還許他同參也。無若共相委知。則天下宗師並爲外道伴侶。如各非印證。則東土衲僧。不如西天外道。

舉。龍牙和尚問翠微。如何是祖師西來意。翠微云。與我過蒲團來。牙取蒲團與臨際。接得便打。牙云。打即任打。要且無祖師意。師云。臨際翠微。只解放不臨際。如何是祖師西來意。際云。與我過蒲團來。牙取蒲團與臨際。接得便打。牙云。打即任打。要且無祖師意。師云。臨際翠微。只解放不

解。收我當時若作龍牙。待伊索蒲團禪板。拈得劈胸便擲。舉。梓樹問定山。不落數量。請師道。定山提起數珠云。是落不落。樹云。圓珠三竅。人人有。請師圓前話。山便打。梓樹便去。定山云。三十年後。槌胸大哭。去在。梓樹果後開堂。示衆道。三十年前。被定山老子瞞我一上。不同小小。師云。定山用即用。爭奈險。梓樹知即知。要且未曾具擇法眼。試請辯看。

舉。雪峰問投子。一槌便成時如何。投子云。不是性懃漢。峯云。不假一槌時如何。投子云。者漆桶。師云。然則一期折挫。雪峯且投子是作家。爐鞴。我當時若作雪峯。待投子道。不是性懃漢。只向伊道。鉗槌在我手裏。諸上座。合與投子著得箇什麼語。若能道得。便乃性懃平生。光揚宗眼。若也顛頂。頂上一槌。莫言不道。

舉。趙州問僧。曾看法華經麼。僧云。看來。州云。衲衣在空閑。假名阿練若。誑惑世間人。爾作麼生會。其僧擬禮拜。州云。爾披衲衣來麼。僧云。披來。州云。莫惑我。僧云。如何得不惑去。州云。莫取我語。師云。大小趙州。龍頭蛇尾。諸人若能辯得。便乃識破趙州。如或不明。箇箇高

擁衲衣。莫感翠峯好。

舉長髭問僧。甚處來。僧云。九華控石菴。髭云。菴主是什麼人。僧云。馬祖下尊宿。髭云。名什麼。僧云。不委。他法號。髭云。他不委。爾不委。僧云。尊宿眼在甚處。髭云。若是菴主親來。今日也須喫棒。僧云。賴遇和尚放過某甲。髭云。百年後討箇師僧也難得。師云。是則二俱作家。要且只解收虎尾。不能據虎頭。若使德山令行。並須瓦解。

舉保福示衆云。此事如擊石火閃電光。搆得搆不得。未免喪身失命。僧便問。未審搆得底人。還免喪身失命也無。保福云。適來且致。闍黎還搆得麼。僧云。若搆不得。未免大衆笑。保福云。作家作家。僧云。是什麼心行。福云。一杓屎攪面。激不知臭。師云。諸上座。保福有生擒虎兒底爪牙者。僧也不易相敵。雖然如此。要且放過保福一著。只如翠峯與大衆還許諸方檢責也無。若免不得。平地上死人無數。其中有得活底麼。師拈起拄杖云。來也來也。

舉歸宗鋤草次。見一條蛇。以鋤斬之。僧見便問。久響歸宗。元來是箇麤行沙門。宗云。爾纔我麤。後雪峯問德山。古人斬蛇意旨如何。德山便打。雪峯便走。德山召云。布衲。雪峯迴首。德山云。他後悟去。方知老漢徹底老婆心。師云。歸宗只解慎初。不能護末。德山頗能據令。且未明斬蛇。師召大衆云。看翠峯今日斬三五條。以拄杖一時打下。

勘辯

問僧。甚處來。僧云。和尚問誰。師云。我問爾。僧云。何不領話。師云。翠峯今日敗闕。

寶華侍者來看師。師問。寶華多少衆。侍者云。不勞和尚如此。師云。我好好問。爾勃跳。作什麼。侍者云。不得放過。師云。真師子兒。喫茶了。師把住云。適來得恁麼無禮。侍者擬議。被師一掌云。歸去分明。舉似寶華。

有數人新到。至師云。新到那。僧云。是。師云。參堂去。僧便去。師復喚來。其僧却迴。師云。洞庭難得師僧。與爾一椀茶喫。

問僧。甚處受業。僧云。天章。師云。將得蘭亭記來麼。僧云。爭敢呈似和尚。師云。草本不勞拈出。

五人新到。師云。洞庭絕頂無行路。不假梯航速道看。僧云。特來禮拜和尚。師云。湛水停舟徒誇運濟。僧無語。師云。過者邊來。其僧齊過。師云。將頭不狂悞。累三軍參堂去。

問僧。名什麼。云。義懷。師云。何不名懷義。僧云。當時致得。師云。誰與汝安著。僧云。某甲受戒來十年也。師云。行腳費却多少草鞋。僧云。和

尙莫瞞人好。師云。我也沒量罪過。爾作麼生。僧無語。師云。脫空談語。漢便打。

問新到。近離甚處。僧云。興教。師云。達磨一宗掃土而盡。僧無語。師云。天上天下唯我獨尊。

復問僧。聞黎名什麼。僧云。宗雅。師云。雅即不問。作麼生。是宗。僧無對。師云。且限三日。其僧頻來下語。師皆不許。僧却問。某甲見處只恁麼。和尙作麼生。師云。爾何不問我。僧方擬問。被師連打數下。

問新到。發足甚處。僧拍掌一下。師云。兩重公案。僧云。恰是。師便喝。僧無語。師云。還我一拍來。僧擬議。師云。瞎漢參堂去。

六人新到。師問。參頭。夫爲上將。須是七事隨身。兩刃交鋒。作麼生。僧云。久響翠峯有此一著。師云。一著放過。還我草鞋錢來。僧喝。師便棒。僧約住。拄杖與師一拍。師云。未到翠峯。與爾二十棒了也。僧無語。師云。且在一邊。却問第二副將。作麼生。僧茫然。師云。一狀領過。喫茶了。師把住參頭云。適來公案者。裏即恁麼。堂中作麼生。舉。僧擬議。師打一坐具推出。

雪峯和尚塔銘并序

夫從緣有者。始終而成壞。非從緣得者。歷劫而常堅。堅之則在。壞之則捐。雖然離散未至。何妨預置者哉。所以疊石結室。翦木合函。殷

土積石爲龜。諸事已備。頭南脚北。橫山而臥。惟願至時同道者。莫違我意。知心者。不易我志。深囑職囑。幸勉勵焉。縱饒他日邪造顯揚。

豈如當今正眼密弘。善思之。審思之。師註兄弟添十字。云。國無二君。又云。知麼。同心著一儀。云。風行草偃。又云。直與土主

曰松山。云。四顧匪絕。又云。看。塔號難提。云。獨露相倚。又云。嶮。更有胡家曲。云。一西一東。又云。大難。汝等切須知。云。自南自北。又云。會也。我唱泥牛。吼。云。聞莫舉頭。又云。呵呵。汝和木馬嘶。云。見應各眼。又云。撫掌。但看五六月。云。豈可徒

然。又云。呼。冰片滿長街。云。事非草草。又云。苦。薪盡火滅後。云。去去誰同。又云。好住。密室爛如泥。云。須到如此。又云。努力

受師號。上堂。僧問。皇恩已降。海衆同觀。學人上來。願聞舉唱。師云。好音在耳。人皆聽。進云。聽後如何。師云。問著元來總不知。僧云。學人

到者裏。實謂不知。師云。許爾是箇草賊。復云。禪家流還如戰將。見鬪勇健索不來。即便擒下。雖一期之作。爭似借水獻華。唱太平歌好。

夜雨山草滋。爽籟生古木。閑吟竺仙偈。勝於嚼金玉。蟋蟀啼壞墻。苟免悲局促。道人優曇華。迢迢遠山綠。是知道無不在。誰云間然故。

天有道以輕清。地有道以肅靜。谷有道以盈滿。君有道以敷化。故我今上皇帝。金輪統御。敕澤滂流。草木禽魚無遠不及。巖野抱疾之

士。俄承寵光。此生他生無以云報。賢守司封高扶堯舜。下視龔黃。襲千載之雅風。鎖萬邦之春色。佇當明詔。別振休聲。貳車屯田諸

屬

屬

屬

屬

屬

屬

朝宰不敢飾辭褒謫仲尼言云吾禱久矣

住明州雪竇禪寺語

師開堂日於法座前顧謂大眾云若論本分相見不必高陞寶座乃以手指一劃云諸人隨山僧手看無量諸佛國土一時現前各各子細觀瞻其或涯際未知不免拖泥帶水即便陞座僧正宣疏了維那白槌云法筵龍象衆當觀第一義時有僧出來師乃約住云如來正法眼藏委在今日放行則瓦礫生光把定則真金失色權柄在手殺活臨時其有作者相共證據僧乃問遠離翠峯祖席已居雪竇道場未審是一是二師云馬無千里設追風進云與麼則雲散家家月也師云龍頭蛇尾漢問德山臨濟棒喝已彰和尚如何接人師云放過一著僧擬議師便喝僧云未審只與麼別有在師云射虎不真徒勞沒羽問布髮掩泥因底事全身半偈爲誰施師云天上天下唯我獨尊進云若然者立雪豈能傳妙旨三拜伸後始爲親師云莫亂統問梵王請佛蓋爲群生學士請師當爲何事師云相識滿天下進云與麼則大眾雲恩也師云備分上作麼生進云學士證明師云未在有俗士問十方同聚會箇箇學無爲此是選佛處心空及第歸如何得及第去師云徒遭點額進云如此則辜負平生也師云教休不肯休問一焚龍關萬像威臻未審是何境界師云金殿草漫漫進云上更有事也無師云白雲千里萬里問吹大法螺鑾大法鼓朝宰臨筵如何即是師云清風來未休進云與麼則得過於師也師云一言已出駟馬難追僧禮拜師云放過一著師又普觀大眾一迴乃云人天普集合發明箇什麼事焉可互分賓主馳騁問答便當宗乘去廣大門風威德自在輝騰今古把定乾坤千聖只言自知五乘莫能建立所以聲前悟旨猶迷願鑑之端言下知宗尙昧情識之表諸人要知真實相爲但以上無繫仰下絕已躬自然常光見前箇箇壁立千仞還辯明得也無未辯辯取未明明取既辯明得能截生死流同踞祖佛位妙圓超悟正在此時堪報不報之恩以助無爲之化

師在翠峯受疏日洞庭檀越與明州事使相爭紘紘不已師乃陞座普告大眾不須作鬧事在况僧家也無固無必住則孤鶴冷翹松頂去則片雲忽過人間應非彼此殊源動靜乖趣今與諸人評議念三二年洞庭晦迹承四遠信心恩顧棲衆方諸舊轍藏教復乃新歸豈可知感頓忘遽致前邁誠爲不可而又四明太守星馳介使輜重俄臨既已跋涉數州迢遞千里投誠苦逼一至於斯進退審詳不能自決敢問大眾住翠峯好往雪竇好于時衆僧高聲云往雪竇好師乃顧謂洞庭諸檀越云不用爲訝宜各知時且佛法委自王臣兼住持亦以緣斷在彼在此本無間然希披疏文以塞來命便下座

師至晚小參。僧問。四明侯伯遠降公文。未涉程途。請師速道。師云。鄞江一枝。今日獨秀。師云。不許夜行。師乃云。諸仁者。未有長行而不往。未有長往而不行。古之今之。各有攸往。且如慈院僻處一隅。若非念報佛恩。無以四來居此。恐山僧進發之後。法席空虛。今命素公開士。接續住持。幸冀衆慈同心勸請。師辭翠峯。上堂。僧問。承學士有言。觀翠峯之祖席。登雪竇之道場。如何是不動尊。師云。下坡不走。快便難逢。進云。與麼則動若行雲。止猶谷神。師云。爾須緊悄草鞋。師乃云。山僧斯者。抑徇彼請。難可稽留。束裝告行。但多變惑。況住持久煩勤。舊備認歲寒。希各務道事。孜孜以副誠祝。其有參隨諸高士。動逾千里。俯近百僧。忽齋粥疎遺。船車隘窄。冀相回互。禪悅自貽。則佛國徧遊。亦不爲遠。何以諸禪德。去來不以象故。無器而不形。動靜不以心故。無感而不應。然則心生於有心。象出於有象。象非我出。故金石流而不焦。形非我生。故日用而不勤。紆紆自彼。於我何爲。請諸人高掛征帆。不勝珍重。

師到萬壽。衆請上堂。僧問。七事隨身。便請相見。師云。打退鼓。進云。方始交鋒。已見大敗。師云。噤。僧擬議。師便喝。者般漢。有什麼死急。問翠峯一箭。已射雪竇。雪竇一箭。當射何人。師云。不爲驢風發機。進云。非但聞名。今日親見。師云。添得一場愁。僧禮拜。師云。若是便休。師乃云。萬壽門下一一作家。蓋是強將之兵也。雖然如此。保福有言。擊石火。閃電光。攆得攆不得。未免喪身失命。若教據令而行。盡蘇臺一境人。箇箇三頭六臂。到翠峯手裏。也須瓦解冰消。如今放過一著。分付萬壽和尚。

師到秀州。百萬道者。備茶筵請陞堂。僧問。赴請雪竇。先至嘉禾。向上宗乘。請師舉唱。師云。鳥啼處處皆相似。進云。與麼則得聞於未聞也。師云。不是苦心人。不知僧擬進語。師便喝。僧禮拜。師云。別有問話者出來。問如何是教外別傳一句。師云。三生六十劫。進云。學人未會。師云。碧眼胡僧笑點頭。師乃云。山僧此者。承鄞江太守之命。俾赴雪竇住持。再至嘉禾。彌增嘉幸。仍承百萬道者。曲賜周勸。仰荷之懷。無以忘也。兼勞廣命。碩德抑令。舉唱宗乘。況達士相逢。非存目擊。若云言中有響。句裏呈機。猶曲爲中下之流。向本分衲僧。遠之遠矣。秣如適來。僧問教外別傳一句。對云。三生六十劫。諸人還知落處也。無且驚池驚嶺。海甸菴園。三百法會之中。甚處有者。箇消息。所以道。三世諸佛。不能自宣。一代時教。詮注不及。除非知有。莫能知之。久立衆慈。伏惟珍重。

師到靈隱。衆請陞座。僧問。遠別翠峯丈室。將屆雪竇道場。如何是不動尊。師云。看風使帆。進云。恁麼則觀方知彼去。去者不至方。師云。龍頭蛇尾。問如何是祖師西來意。師云。點進云。猶有者。箇在。師云。三十年後。進云。與麼則翠峯今日瓦解冰消。師云。有些子。師乃云。莫是與上座相爭。然則論戰也。箇箇力在箭鋒。相拄。又須是箇特達漢。始得。若意根尙滯。直須向前決擇。所以長沙和尚道。百尺竿頭坐。

底人雖然得入。未爲異。百尺竿頭須進步。十方世界是全身。僧舉問南泉。百尺竿頭如何進步。泉云。更進一步。僧復問瓦官。官云。百尺竿頭用進作什麼。僧不肯。官便打。師云。大衆。古人機變出在一時。其間別有商量。亦未言著。且如雪竇。今日再入靈隱。也似百尺竿頭。依南泉之言。得進一步。喜與大衆相見。則十方世界一時周匝。便下座。

師到越州承天寺。衆請陞座。僧問。學人不問西來意。藏身北斗意如何。師云。拈頭作尾漢。進云。請師答話。師云。西天令嚴。問有答。賓主歷然。無問無答時如何。師云。古路草漫漫。進云。若不上來。焉知與麼。師云。利劍不斬死漢。師乃云。作者相見。一撿一捺。撩起便行。若佇思停機。卒摸捺不著。若言問在答處。答在問宗。箇箇依草附木。問不在答處。答不在問宗。罕見頂上有眼。諸人還薦得也。無薦得薦不得。並是新雪竇之過。且莫鈍致承天和尙。

越州檀越備茶筵。請師陞座。僧問。檀越殷勤伸三請。乞師方便指迷津。師云。不許夜行投明須到。進云。非但學人。四衆有賴。師云。百千年後。問如何是祖師西來意。師云。迢迢十萬餘。僧禮拜。師云。拄杖不在。師乃云。諸檀信。山僧暫以經過。邂逅相遇。何沐特隆。異待。抑俾敷揚。且如承天和尙。寅暮流慈諸人。況是異聞已絕希冀。何必更煩雪竇。重爲發宣。直饒三世聖人。六代開士。利生間出。故不敢錯誤諸人絲毫。然雖與麼。放過即不可。良久云。不解作客。勞煩主人。

師歸寺上堂。有僧問。如何是雪竇正主。師云。何不問雪竇山中人。進云。與麼則把定乾地去也。師云。出門唯恐不先到。當路有誰長待來。問如何是古佛家風。師云。青天白日。進云。還許學人領會也無。師云。不是。劍客請莫相過。問如何是第一句。師云。袖裏金槌。僧便喝。師云。朝三千暮八百。問如何是雪竇境。師云。天無四壁。進云。如何是鏡中人。師云。月在中峯。進云。與麼則從苗辯地。因語識人。師云。是僧禮拜。師云。酌海持蠡。一場困苦。師乃云。甚生標格。還知也無。諸禪德。祖佛不能宣傳。天地不能覆載。二乘聞之膽裂。十地到此魂驚。其或達士切磋。頗逢決戰。一撿一捺。露風規。句滯則嶽立。磨空。源迷則雲橫布野。所以先聖道。一言纔舉。千車同轍。該括微塵。猶是化門之說。爾衲僧。合作麼生觀。自知時。便下座。

上堂。僧問。承師有言。三更過鐵門。意旨如何。師云。忠言不避截舌。僧禮拜。師云。臨筌方覺取魚難。問千山萬水穿雲去。撥草瞻風事若何。師云。蹋破草鞋。進云。爲什麼如此。師云。人無遠慮。必有近憂。問如何是向去底人。師云。伊蘭樹下坐。進云。却來時如何。師云。白日繞須彌。進云。天上天下唯我獨尊。師云。二頭三手漢。問承師有言。釋迦老子出氣不得。甚處諸訛。師云。君子千里同風。進云。與麼則殃及。

子孫也。師云：素非鴨類。師乃云：諸禪德直饒文殊辯說，認螢火爲太陽。居士杜詞：指魚目同明月。所以雪竇尋常道：威音王已前無師自悟。是第二句。還我第一句來。若未能把定要津，不免奔馳南北。

上堂：因僧送拄杖上師。師拈起成頌云：清峻孤根別有靈，勢含山水自分明。提來勝得豐城劍，報盡人間兩不平。復云：大凡以平報不平，是義烈常準，以不平報不平，爲格外清規。亦猶以智遣惑，頗逢下士，以智遣智，罕遇作家要會。兩不平麼？諸人也沒量罪過。雪竇也沒量罪過。雪竇過自能檢責，備者漆桶，不打更待幾時。以拄杖一時趁下。

冬至上堂。僧問：鼓聲繞罷海衆齊臻。新節一句請師垂示。師云：三日前五日後。進云：與麼則聞於未聞。師云：索短不撝深泉。問：文殊仗劍其意如何。師云：八十老僧開滙頂。進云：學人不會。師云：四溟無浪月輪孤。僧良久。師喝云：甚處去也。僧禮拜。師云：放過一著。師乃云：相逢不拈出，舉意便知有。早是不啣啣漢，更亂踢步向前。實謂苦屈。諸禪德看他先覺，未離兜率已降閻浮。求出母胎度人已訖。若言風行七步，日顧四方。天地之間，唯我獨尊。倘有人不放伊過，如今巧說異端，不肯荷負，真可哀愁。所以道：天魔外道是辜，恩德漢聲聞一乘是自欺誑人。偏見如此，不平之事，便合憤排。驅將去喝將去。隨例道：我不知不會者，般底苦海裏有什麼出頭時。

上堂云：形與未質，名起未名。形名既兆，遊氣亂清。師拈起拄杖云：大衆，拄杖子是形名變舉，還有過也無？有即水裏月，無即形名兆。若也究得，實謂恩大難酬。

上堂云：未出母胎，見成公案。周行七步，過犯彌天。更入鹿野苑中，枝蔓上復生枝蔓。乃拈起拄杖云：吽吽，便下座。

上堂。僧問：如何是觸目菩提。師云：風動塵起，鳥飛落毛。進云：乞師再垂方便。師云：泊被打破蔡州。問：如何是教外別傳一句。師云：好問。進云：還許學人領會也無。師云：有頭無漢。師乃云：諸仁者，夫宗師唱道，譬若滄溟上客，獨泛蘭舟。月渚烟波，隨情放曠。欲拋香餌，須待長鯨。縱有纖鱗，應無希冀。

上堂云：一徑直，二周遮。衲子辯得，眼裏生華。便下座。

上堂。僧問：達磨西來單傳心印，諸方爲什麼各說異端。師云：誰進云：爭奈如今何。師云：西天令嚴。進云：與麼則入水見長人。師云：韓信臨朝底，問三通鼓罷，群賢集。請師拋下御前題。師云：長因送人處，憶得別家時。進云：與麼則退身三步。師云：依舊漁翁把釣竿。問：不除妄想，不求真底，是什麼人。師云：一宿覺。進云：與麼則天上天下唯我獨尊。師云：一撥便轉。師乃云：大凡出衆，切碓也須是本分禪客。若

未具碎啄同時眼。卒摸捺不著。

上堂。衆方集定。師云。不用低頭思量難得。便下坐。

上堂云。直釣釣鯢鯨。曲釣釣龜鼈。曲釣若在鯢鯨。理應未可。直釣若在龜鼈。情亦不甘。如今拋釣也。負命者上釣來。良久云。勞而無功。便下座。

上堂。衆集定。師起立云。雪竇得與麼長。諸人得與麼短。若人道得齊肩句。許伊把定乾坤。便下座。

上堂云。久雨不晴。將僧向甚處曬眼皮草。便下座。

上堂云。布袋裏盛錐子。不出頭是好手。復云。大衆。雪竇錐頭出也。莫有傍不肯。應禪客出來。良久云。諸人既乃縮頭。且聽諸方檢責。明覺禪師語錄卷第一

明覺禪師語錄卷第二

門人軫等編

〔明綺〕

舉古

舉。僧問趙州。道人相見時如何。州云。呈添器。師云。諸禪德。還有識趙州底麼。出來相共商量。若未能辯明。大好從頭舉與僧點破。四九三十六收。

舉。臨濟示衆云。有一無位真人。常在汝等面門出入。初心未證據者。看看。時有僧問。如何是無位真人。臨濟下禪牀。擒住者。僧擬議。濟托開云。無位真人是什麼乾屎橛。雪峯聞云。臨濟大似箇白拈賊。師云。夫善竊者。神鬼莫知。既被雪峯觀破。臨濟不是好手。復召大衆。雪竇今日換爾諸人眼睛了也。爾若不信。各歸寮舍。自摸捺看。

舉。僧侍立保福次。福云。爾得與麼纔心。福拈一塊土與僧。爾拋向門外著。僧拋了却來云。甚處是某甲。福云。我見爾築著磕著。所以道。爾纔心。師云。然則者僧被保福熱瞞。爭奈真不掩偽。曲不藏直。雪竇將今視古。於理不甘。是爾者一隊。然忽僧堂裏來寮舍內出。築著磕著。亦乃不知。近來纔心轉盛。我若放過。便見諸方檢責。師募拈拄杖下座。大衆一時走散。

舉雪峯鼓觀和尚門觀云誰峯云鳳凰兒觀云作什麼峯云鵲老觀觀便開門雪峯方入被觀把住云道道峯擬議被觀推出峯住後示衆云我當時若入得老觀門備者一隊啞酒糟漢向甚處摸捺有老宿云雪峯徒有此語當時入不得如今也入不得師云者寧思負德漢有什麼交涉當時入不得豈是教備入今既摸捺不著累他雪峯俱在老觀門下舉臨濟侍立德山山云今日困濟云者老漢竊語作什麼山便打濟揪倒繩牀山便休師云二員作者具啐啄同時眼有啐啄同時用雪竇擬向猛虎口中奪鹿餓鷹爪下分兔敢謂臨濟德山二俱瞎漢有人辯得天下橫行舉乾峯和尚云舉一不得舉二放過一著落在第二雲門出衆云昨日有人從天台來却往南嶽去峯下座云大衆來日不要普請師云看他作者吐露箇消息宛爾不同若是瞋睡漢遽相鈍致乃拈起拄杖云放過一著便下座

舉玄涉云吾有正法眼藏付囑摩訶大迦葉猶如話月曹谿豎拂猶如指月鼓山云月圓玄涉云者阿師就我覓月鼓山不肯却歸衆云道我就他覓月師云玄涉鼓山如排百萬軍大陣只拋瓦子相擊或有衲僧辯得當知正法眼藏付囑有在

舉長慶云淨潔打疊了也却近前就我覓我劈脊與備一棒有一棒到備備須生慚愧無一棒到備備又向什麼處會師云雪竇即不然淨潔打疊了也直須近前我劈脊與備一棒有一棒到備備即受屈無一棒到備與備平出但與麼會

勘辯

一日侍者報有三人新到從瑞巖來師云教伊大展坐具禮拜著其僧方入門師驀拈起拄杖僧云某甲特來禮拜和尚師云吽吽那箇是參頭一僧近前問訊師云備爲什麼失却本道公驗僧云深領和尚慈悲師云過者邊立復問第二人求朋須勝己似我不如無師以拄杖指參頭云備爲什麼隨者漆桶僧云某甲新戒師亦約云過者邊立又問第三人適來兩箇敗闕了也備堪作箇什麼僧擬議師便喝云過者邊乃云據合一時埋却且念遠來參堂去

問新到尋師訪道甌水遊山僧云謝和尚顧問師便喝鼻孔裏祇對我僧無對師云苦殺人來來曾到雪竇麼僧云不曾到師打一棒云他後不得諱却

一日二人新到師云座主衲僧僧云請和尚鑑師云一不成二不是僧云不勞如此師云我且放過朝到西天暮歸東土作麼生僧無對師云杜鵑僧參堂去